

796  
post Apr. 18.

Cognoscat quoque dilectio vestra, quod aliquam benedictionem de dalmaticis nostris vel palleis ad singulas sedes episcopales regni vestri vel Aedilredi<sup>a1</sup> in elemosinam domni Adriani<sup>2</sup> apostolici, patris nostri et amatoris vestri, direximus; deprecantes, ut diligenter iubeatis intercedere pro anima illius; nullam habentes dubitationem beatam illius animam in requie esse, sed ut fidem et dilectionem ostendamus in amicis nobis carissimum. Sicut et beatus precepit Agustinus<sup>b3</sup> pro omnibus ecclesiasticae pietatis intercessionibus<sup>c</sup> fieri debere; asserens pro bono intercedere facienti proficere.

Sed et de thesauro humanarum rerum, quem dominus Iesus nobis gratuita pietate concessit, aliquid per metropolitanas civitates transmisimus<sup>4</sup>. Vestrae quoque dilectioni ad gaudium et gratiarum actiones Deo omnipotenti dirigere studuimus unum balteum et unum gladium Huniscum et duo pallia sirica; quatenus ubique in populo christiano divina predicetur clementia et nomen domini nostri Iesu Christi glorificetur in aeternum.

Pro nobis nostrisque fidelibus, immo et pro cuncto populo christiano, assiduas fieri faciatis intercessionibus, deprecamur, quatenus mitissima superni regis (bonitas<sup>d</sup>) regnum sanctae ecclesiae protegere exaltare et dilatare dignetur.

Deus omnipotens dignitatis vestrae excellentiam ad tutelam sanctae suae ecclesiae longa prosperitate incolomem conservare dignetur, desiderantissime frater.

## 101.

*Alcvinus Offae regi Merciorum scribit Carolum regem Francorum ei bene velle et occisionem Aethilredi regis Northanhumbriorum vehementissime indignari; seque in Angliam revertendi consilium abiecisse. Addit de ecclesia S. Martini Turonensi sibi collata; legatos commendat.*

796 post Apr. 18.

*Codd. A 1 fol. 134'—136', A 1\* p. 159—161 n. 114. Duae partes huius epistolae ap. Willelm. Malmesbur. Gesta reg. Anglor. I § 70 et 72 'Sciat veneranda — iam fecisset' et 'Ego paratus eram — foedata'<sup>a</sup>. Edd. Haddan and Stubbs Councils III, 498 priorem partem, J 58. — Migne col. 213.*

<sup>a)</sup> Aedilfredi A 1; Aethelraedi A 1\*. <sup>b)</sup> praecipit Augustinus A 1\*. <sup>c)</sup> intercesiones A 1. <sup>d)</sup> bonitas A 1\*, superscripsit manus posterior in A 1. In A 1, A 1\* secuntur hi versus (1—6 ex Ov. Fast. II, 85—90; 7—8 ex Art. Am. I, 615. 616; 9—12 ex Remed. Am. 501—504):

Sepe sequens agnum lupus est a voce retentus, 30  
Sepe avidum fugiens respicit agna lupum,  
Sepe canes leporesque umbra cubuere sub una  
Et stetit in saxo proxima caerulea (corr. cerva leae);  
5 Et sine lite loquax cum Palladis alite cornix  
Sedet et accipitri iuncta columba fuit. 35  
Sepe tamen vere coepit simulator amare,  
Sepe quod incipiens finxerat esse fuit. (insipiens Wilk.)  
Deceptum risi, qui se simulabat amare,  
10 In laqueos auceps decideratque suos.  
Intrat amor mentes usu, didiscitur usus, 40  
Qui poterit sanum fingere, sanus erit.

101. <sup>a)</sup> Lemma: Epistola Albinus ad Offam regem Merciorum A 1\*.

1) regis Northanhumbriorum. 2) mortui d. 25. Dec. 795; cf. Ann. Lauresham. 795. (SS. I, 36): pro quo dominus rex, postquam a planctu eius cessavit, orationes per universum christianum populum intra terminos suos fieri rogavit, et elemosina sua pro eo multipliciter transmisit. 3) Cf. August. epist. ad Macedon. 153 (Opp. II, 525 sqq.). 4) Theodulfi carmen ad Carol. reg. v. 33 (Poet. Carol. I, 484):  
Percipe multiplices laetanti pectore gazas,  
Quas tibi Pannonico mittit ab orbe Deus.